

Bosna i Hercegovina  
Fedracija Bosne i Hercegovine  
Bosansko-podrinjski kanton Goražde  
VLADA KANTONA

**Z A K O N**  
**o izmjenama i dopunama**  
**Zakona o porezu na imovinu, naslijeđe i poklon**

**Goražde, august 2014. godine**

Na osnovu člana 23. stav b) Ustava Bosansko – podrinjskog kantona Goražde (“Sl.novine Bosansko-podrinjskog kantona Goražde” br. 8/98,10/00 i 5/03) i člana 106. Poslovnika Skupštine Bosansko – podrinjskog kantona Goražde (“Sl.novine Bosansko-podrinjskog kantona Goražde” br. 10/08), Skupština Bosansko – podrinjskog kantona Goražde na sjednici održanoj dana \_\_\_\_\_ 2014.godine, **d o n o s i:**

## **Z A K O N**

### **O IZMJENAMA I DOPUNAMA ZAKONA O POREZU NA IMOVINU, NASLIJEĐE I POKLON**

#### **Član 1.**

U Zakonu o porezu na imovinu, naslijeđe i poklon (“Službene novine Bosansko-podrinjskog kantona Goražde”, broj 7/09,4/13), u Poglavlju II - Porez na imovinu, u članu 9. stav 1. iza tačke 9. se dodaju tačke 10. i 11.koje glase:

“10. bazne i mikrobazne stanice mobilne telefonije koje su instalirane na lokacijama na području opština u sastavu Bosansko-podrinjskog kantona Goražde.

11. terminali za klađenje na uplatnim mjestima, samoposlužni terminali za klađenje instalirani na uplatnim mjestima i uređaji za priređivanje klađenja prilikom kojih se koristi generator slučajnih brojeva”

U Poglavlju II - Porez na imovinu, članu 9. stav 2. se mjenja tako da sada glasi:

“Obveznik poreza na imovinu je pravno ili fizičko lice koje je vlasnik ili korisnik bazne i mikrobazne stanice mobilne telefonije, terminala za klađenje na uplatnim mjestima, samoposlužnih terminala za klađenje instaliranih na uplatnim mjestima, uređaja za priređivanje klađenja prilikom kojih se koristi generator slučajnih brojeva, automata za igre na sreću i stolova u kasinu ukoliko se isti nalaze na teritoriji opština u sastavu Bosansko-podrinjskog kantona Goražde.”

U Poglavlju II - Porez na imovinu, u članu 9. iza stava 7. dodaje se novi stavovi 8.i 9. koji glase:

“Terminalom za klađenje na uplatnim mjestima se u smislu odredbi ovog Zakona smatraju svi uređaji na kojima se vrši uplata za igre na sreću koje priređivač organizuje kao posebne igre na sreću u kojima sudionici (igrači) u skladu sa pravilima igre pogađaju ishode različitih sportskih i drugih stvarnih događaja sa neizvjesnim rezultatom, dok se samoposlužnim terminalom za klađenje smatraju svi uređaji na kojima se uplata za igre na sreću vrši bez posredovanja prodavača

Uređajem za priređivanje klađenja prilikom kojih se na bilo koji način koristi generator slučajnih brojeva se u smislu odredbi ovog Zakona smatraju svi uređaji koji na temelju slučajnih uzoraka generiraju slučajne potpuno nezavisne i nepredvidive nizove brojeva ili simbola koji su jednoliko raspoređeni unutar definisanih granica.”

## Član 2.

U Poglavlju II - Porez na imovinu, u članu 10. stav 1. tačke 5. i 6. se mjenjaju tako da iste sada glase:

“ 5. za putničko motorno vozilo preko 2000 cm<sup>2</sup> radne zapremine motora i starosti do 5 godina 200,00 KM, od 5 do 10 godina 150,00 KM i od 10 do 15 godina 100,00 KM.

6. za motocikle preko 50 cm<sup>2</sup> radne zapremine 100,00 KM”

U Poglavlju II - Porez na imovinu, u članu 10. stav 1 iza tačke 12. dodaju se nove tačke 13.,14.,15. i 16. koje glase:

“13. za svaki instalirani terminal za klađenje na uplatnom mjestu odnosno za svaki instalirani samoposlužnih terminal za klađenje instaliran na uplatnom mjestu 5.000,00 KM

14. za svaki postavljeni uređaj za priređivanje klađenja prilikom kojih se na bilo koji način koristi generator slučajnih brojeva 5.000,00 KM.

15. za svaku bazna stanica mobilne telefonije 10.000,00 KM.

16. za svaku mikrobaznu stanicu mobilne telefonije 5.000,00 KM”

## Član 3.

U Poglavlju II – Porez na imovinu u članu 12. stav 4. se mjenja i glasi:

“ Pravno i fizičko lice koje je vlasnik ili korisnik baznih i mikrobaznih stanica mobilne telefonije, terminala za klađenje na uplatnim mjestima, samoposlužnih terminal za klađenje instaliranih na uplatnim mjestima, uređaja za priređivanje klađenja prilikom kojih se koristi generator slučajnih brojeva, automata za igre na sreću i stolova u kasinu te automata za igre za zabavu dužno je u roku od 30 dana od dana nastanka obaveze odnosno od dana sticanja imovine ili od dana početka korištenja imovine podneti poresku prijavu poreznoj upravi, odnosno poreskoj ispostavi nadležnoj za opštinu na čijoj teritoriji se nalaze ti terminali, automati, kompjuter i uređaji odnosno stolovi.

## Član 4.

U Poglavlju II – Porez na imovinu u članu 13. iza stava 1. dodaju se novi stavovi 2. ,3. i 4. koji glase:

“ Organi koji su nadležni za vođenje zemljišnih knjiga i za obavljanje poslova katastra nekretnina odnosno organi koji raspolažu bilo kakvom evidencijom nekretnina dužni su na zahtjev Porezne uprave odnosno nadležne poreske ispostave bez odlaganja a najkasnije u roku od 15 dana dostaviti sve podatke o nekretninama što podrazumjeva i podatke o stanju nekretnina kao i vlasnicima istih.

Porezna uprava odnosno nadležna poreska ispostava je dužna najmanje jednom godišnje i to do 15. januara svim pravnim licima koja su registrovana ili imaju poslovne jedinice na njenom području dostaviti zahtjev za dostavljanje svih podataka o imovini koja se nalazi u njihovom vlasništvu ili je koriste a čije je oporezivanje predviđeno ovim Zakonom odnosno zahtjev za izjašnjavanje da li su vlasnici ili korisnici imovine čije je oporezivanje predviđeno ovim Zakonom, a isti su dužni potpune podatke odnosno izjašnjenje dostaviti do 31. januara.

Zahtjev za dostavljanje svih podataka o imovini iz predhodnog stava Porezna uprava odnosno nadležna poreska ispostava, ukoliko ocjeni da je to potrebno može dostaviti i fizičkim licima koja imaju prebivalište ili koja posluju na njenom području. ”

#### **Član 5.**

U Poglavlju II - Porez na imovinu, u članu 15. stav 1. tačka b). se mijenja a tako da ista sada glasi:

“b) za pokretnu imovinu obuhvaćenu članom 10. stav 1. tačke 8., 9.,10.,13.,14., 15. i 16. prema mjestu gdje se imovina nalazi.”

#### **Član 6.**

U Poglavlju V – Kaznene odredbe u članu 39. u stavu 1. iza tačke 3. dodaje se tačka 4. koja glasi:

“4. koji ne dostavi u predviđenom roku sve podatke o imovini koja se nalazi u njihovom vlasništvu i imovini koju koriste odnosno koji se ne izjasne da li su vlasnici ili korisnici imovine čije je oporezivanje predviđeno ovim Zakonom /član 13./.”

#### **Član 7.**

U Poglavlju V – Kaznene odredbe u članu 40. u stavu 1. iza tačke 3. dodaje se tačka 4. koja glasi:

“4. koji ne dostavi u predviđenom roku sve podatke o imovini koja se nalazi u njihovom vlasništvu i imovini koju koriste odnosno koji se ne izjasne da li su vlasnici ili korisnici imovine čije je oporezivanje predviđeno ovim Zakonom /član 13./.”

#### **Član 8.**

U Poglavlju V – Kaznene odredbe članu 41. Se mijenja tako da isti glasi:

“Odgovorno lice Porezne uprave odnosno nadležne poreske ispostave, notar i odgovorno lice u nadležnom organu, kazniće se za prekršaj novčanom kaznom od 1.000,00 KM do 1.500,00 KM ukoliko postupi suprotno odredbama člana 13., člana 36 i člana 38. stav 2. ovog Zakona.”

#### **Član 9.**

Postupak naplate poreza za imovinu za koju je prije stupanja na snagu ovog Zakona pokrenut postupak razreza poreza okončaće se u skladu sa odredbama koje su bile na snazi u trenutku podnošenja prijave za razrez poreza, dok će se za svu drugu imovinu postupak provoditi u skladu sa odredbama ovog Zakona.

Za imovinu za koju prijava nije podnesena do stupanja na snagu ovog Zakona prijava će se podneti u skladu sa članom 12. stav 5. Zakona o porezu na imovinu, naslijeđe i poklon.

## **Član 10.**

Ovaj Zakon stupa na snagu osam dana nakon objavljivanja u “Službenim novinama Bosansko-podrinjskog kantona Goražde.

**S K U P Š T I N A**  
**BOSANSKO – PODRINJSKOG**  
**KANTONA GORAŽDE**

**PREDSJEDAVAJUĆI**  
**SKUPŠTINE**

Suad Došlo

Broj: 01 - \_\_\_\_\_/14.  
\_\_\_\_\_2014.godine.  
G O R A Ž D E

# **O b r a z l o ž e n j e**

## **Prijedloga Zakona o izmjenama i dopunama Zakona o porezu na imovinu, naslijeđe i poklon**

### **I – USTAVNI OSNOV**

Ustavni osnov za donošenje Zakona o izmjenama i dopunama Zakona o porezu na imovinu, naslijeđe i poklon je u Glavi III. Ustava Bosansko – podrinjskog kantona Goražde ( “Sl.novine BPK Goražde” br. 8/98 i 5/03 ).

### **II – RAZLOZI ZA DONOŠENJE ZAKONA**

Razlog za donošenje Zakona o izmjenama i dopunama Zakona o porezu na imovinu, naslijeđe i poklon je neophodnost izmjene odnosno dorade određenih odredbi radi adekvatnog normiranja u cilju ostvarivanja određenih mjera ekonomske politike i određenih fiskalnih efekata.

Naime imajući u vidu privredna kretanja i osjetan ekonomski razvoj na području našeg Kantona te odredbe zakona koji se primjenjuju u drugim djelovima Bosne i Hercegovine a koji regulišu predmetnu materiju, potrebno je proširiti obuhvat Zakona o porezu na imovinu, naslijeđe i poklon, te je potrebno određene odredbe izmijeniti odnosno doraditi u tom pravcu.

U vezi sa naprijed navedenim smatramo da je sada potrebno uraditi određene manje izmjene kako bi se proširio obuhvat odnosno kako bi se predvidjelo oporezivanje baznih i mikrobaznih stanica mobilne telefonije, terminala za klađenje na uplatnim mjestima, samoposlužnih terminala za klađenje instaliranih na uplatnim mjestima, uređajaja za priređivanje klađenja prilikom kojih se koristi generator slučajnih brojeva te kako bi se određene odredbe Zakona dodatno razradile a sve radi povećanja efikasnosti u implementaciji odredbi zakona.

Takođe skrećemo pažnju da je dok se ne stvore pretpostavke na nivou Federacije Bosne i Hercegovine za reformu sistema oporezivanja imovine odnosno donošenje potpuno novog zakona kojim će se urediti pitanje oporezivanja imovine neophodno nastaviti sa kontinuiranim praćenjem stanja u toj oblasti te kada se procjeni da je to potrebno ići sa novim izmjenama i dodatnim proširenjem obuhvata a sve kako bi se na taj način sa postepenim izmjenama postigli odgovarajući fiskalni efekti te potaknulo aktivno korištenje imovine.

### **III – VAŽNIJA ZAKONSKA RJEŠENJA**

Poglavlje II - Porez na imovinu, u članu 9. stav 1. iza tačke 9. se dodaju se tačke 10. i 11. koja glase:

“10. bazne i mikrobazne stanice mobilne telefonije koje su instalirane ne lokacijama na području opština u sastavu Bosansko-podrinjskog kantona Goražde

11. terminali za klađenje na uplatnim mjestima, samoposlužni terminali za klađenje instaliranih na uplatnim mjestima i uređaji za priređivanje klađenja prilikom kojih se koristi generator slučajnih brojeva”

U Poglavlju II - Porez na imovinu, članu 9. stav 2 se mijenja tako da sada glasi:

Obveznik poreza na imovinu je pravno ili fizičko lice koje je vlasnik ili korisnik baznih i mikrobaznih stanica mobilne telefonije, terminala za klađenje na uplatnim mjestima, samoposlužnih terminala za klađenje instaliranih na uplatnim mjestima, uređajaja za priređivanje klađenja prilikom kojih se koristi generator slučajnih brojeva, automata za igre na sreću i stolova u kasinu ukoliko se isti nalaze na teritoriji opštine u sastavu Bosansko-podrinjskog kantona Goražde.”

U Poglavlju II - Porez na imovinu, u članu 9. iza stava 7. dodaje se novi stavovi 8.i 9. koji glase:

“Terminalom za klađenje na uplatnim mjestima se u smislu odredbi ovog Zakona smatraju svi uređaji na kojima se vrši uplata za igre na sreću koje priređivač organizuje kao posebne igre na sreću u kojima sudionici (igrači) u skladu sa pravilima igre pogađaju ishode različitih sportskih i drugih stvarnih događaja sa neizvjesnim rezultatom dok se samosposlužnim terminalom za klađenje smatraju svi uređaji na kojima se uplata za igre na sreću vrši bez posredovanja prodavača

Uređajem za priređivanje klađenja prilikom kojih se na bilo koji način koristi generator slučajnih brojeva se u smislu odredbi ovog Zakona smatraju svi uređaji koji na temelju slučajnih uzoraka generiraju slučajne potpuno nezavisne i nepredvidive nizove brojeva ili simbola koji su jednoliko raspoređeni unutar definisanih granica.”

Poglavlje II - Porez na imovinu, u članu 10. stav 1. tačke 5. i 6. se mijenjaju tako da iste sada glase:

“ 5. za putničko motorno vozilo preko 2000 cm<sup>3</sup> radne zapremine motora i starosti do 5 godina 200,00 KM, od 5 do 10 godina 150,00 KM i od 10 do 15 godina 100,00 KM.

6. za motocikle preko 50 cm<sup>3</sup> radne zapremine 100,00 KM”

U Poglavlju II - Porez na imovinu, u članu 10. stav 1 iza tačke 12. dodaju se nove tačke 13. i 14. koje glase:

“13. za svaki instalirani terminal za klađenje na uplatnom mjestu odnosno za svaki instalirani samoposlužnih terminal za klađenje instaliran na uplatnom mjestu 5.000,00 KM

14. za svaki postavljeni uređaj za priređivanje klađenja prilikom kojih se na bilo koji način koristi generator slučajnih brojeva 5.000,00 KM.

15. za svaku bazna stanica mobilne telefonije 10.000,00 KM.

16. za svaku mikrobaznu stanicu mobilne telefonije 5.000,00 KM”

Navedene izmjene je neophodno izvršiti kako bi se odredilo koji je minimalan iznos koji se mora platiti na ime poreza za putnička motorna vozila radne zapremine preko 2000 cm<sup>3</sup> kao i za motocikle radne zapremine preko 50 cm<sup>3</sup> te na ime baznih i mikrobaznih stanica mobilne telefonije, terminala za klađenje na uplatnim mjestima, uređajaja za priređivanje klađenja prilikom kojih se na bilo koji način koristi generator slučajnih brojeva i baznih i mikrobaznih stanica mobilne telefonije.

Poglavlje II – Porez na imovinu u članu 12. stav 4 se mijenja i glasi:

“ Pravno i fizičko lice koje je vlasnik ili korisnik baznih i mikrobaznih stanica mobilne telefonije, terminala za klađenje na uplatnim mjestima, samoposlužnih terminala za klađenje instaliranih na uplatnim mjestima, uređajaja za priređivanje klađenja prilikom kojih se koristi generator slučajnih brojeva, automata za igre na sreću i stolova u kasinu te

automata za igre za zabavu dužno je u roku od 30 dana od dana nastanka obaveze odnosno od dana sticanja imovine ili od dana početka korištenja imovine podneti poresku prijavu poreznoj upravi, odnosno poreznoj ispostavi nadležnoj za opštinu na čijoj teritoriji se nalaze ti terminali, automati, kompjuter i uređaji odnosno stolovi.

Poglavlje II – Porez na imovinu u članu 13. iza stava 1. dodaju se novi stavovi 2., 3. i 4. koji glase:

“ Organi koji su nadležni za vođenje zemljišnih knjiga i za obavljanje poslova katastra nekretnina odnosno organi koji raspolažu bilo kakvom evidencijom nekretnina dužni su na zahtjev Porezne uprave odnosno nadležne porezne ispostave bez odlaganja a najkasnije u roku od 15 dana dostaviti sve podatke o nekretninama što podrazumjeva i podatke o stanju nekretnina kao i vlasnicima istih.

Porezna uprava odnosno nadležna poreska ispostava je dužna najmanje jednom godišnje i to do 15. januara svim pravnim licima koja su registrovana ili imaju poslovne jedinice na njenom području dostaviti zahtjev za dostavljanje svih podataka o imovini koja se nalazi u njihovom vlasništvu ili je koriste a čije je oporezivanje predviđeno ovim Zakonom odnosno zahtjev za izjašnjavanje da li su vlasnici ili korisnici imovine čije je oporezivanje predviđeno ovim Zakonom a isti su dužni potpune podatke dostaviti do 31. januara.

Zahtjev za dostavljanje svih podataka o imovini iz predhodnog stava Porezna uprava odnosno nadležna poreska ispostava ukoliko ocjeni da je to potrebno može dostaviti i fizičkim licima koja imaju prebivalište ili koja posluju na njenom području. ”

Navedenom dopunom člana 13. se propisuje obaveza Porezne uprave odnosno nadležne poreske ispostave da najmanje jednom godišnje i to do 15. januara svim pravnim licima koja su registrovana ili imaju poslovne jedinice na njenom području dostaviti zahtjev za dostavljanje svih podataka o imovini čije je oporezivanje predviđeno ovim Zakonom a koja je u vlasništvu ili je koriste pravna lica kako bi se uspostavila odgovarajuća evidencija imovine čije je oporezivanje predviđeno ovim Zakonom. Pored toga predviđa se obaveza organa koji su nadležni za vođenje zemljišnih knjiga kao i organa nadležnih za obavljanje poslova katastra nekretnina odnosno organi koji raspolažu bilo kakvom evidencijom nekretnina dužni su na zahtjev Porezne uprave odnosno nadležne porezne ispostave bez odlaganja a najkasnije u roku od 15 dana dostaviti sve podatke o nekretninama što podrazumjeva i podatke o stanju nekretnina kao i vlasnicima istih.

Naime u toku dosadašnje primjene Zakona ispostavilo se da veliki problem predstavlja činjenica da Porezna uprava nema potrebne podatke o imovini i to posebno nepokretnoj imovini koja podliježe oporezivanju prema Zakonu o porezu na imovinu, naslijeđe i poklon.

U Poglavlju II - Porez na imovinu, u članu 15. stav 1. tačka b). se mjenja a tako da ista sada glasi:

“b) za pokretnu imovinu obuhvaćenu članom 10. stav 1. tačke 8., 9.,10.,13. i 14. prema mjestu gdje se imovina nalazi.”

Navedenom izmjenom člana 15. se propisuje da se za pokretnu imovinu koja je obuhvaćena članom 10. stav 1. tačke 8., 9.,10.,13. i 14. odnosno za terminale za klađenje na uplatnim mjestima, samoposlužne terminal za klađenje instaliranih na uplatnim mjestima, uređajaje za priređivanje klađenja prilikom kojih se koristi generator slučajnih brojeva, automate za igre na sreću i stolove u kasinu te automate za igre za zabavu porez

na imovinu plaća prema mjestu gdje se imovina nalazi. Ova odredba je bitna obzirom da sjedište značajnog broja subjekata koji su vlasnici ili koriste tu imovinu nije na području Bosansko-podrinjskog kantona Goražde a predlagača je mišljnija da je ukoliko se ta imovina nalazi i koristi na području općina koje ulaze u sastav Bosansko-podrinjskog kantona Goražde istu neophodno oporezivati ne u mjestu sjedišta tog subjekta već u mjestu gdje se ista nalazi odnosno po ovom Zakonu.

Poglavlju V – Kaznene odredbe u članu 39. i 40. u stavu 1. iza tačke 3. Se dodaju tačke 4. koje glase:

“4. koji ne dostavi ili ne dostavi u predviđenom roku sve podatke o imovini koja se nalazi u njihovom vlasništvu ili je koriste odnosno koji se ne izjasne da li su vlasnici ili korisnici imovine čije je oporezivanje predviđeno ovim Zakonom /član 13./.”

U Poglavlju V – Kaznene odredbe članu 41. se mjenja tako da isti glasi:

“Odgovorno lice Porezne uprave odnosno nadležne poreske ispostave, notar i odgovorno lice u nadležnom organu, kazniže se za prekršaj novčanom kaznom od 1.000,, KM do 1.500,00 KM ukoliko postupi suprotno odredbama člana 13., člana 36 i člana 38. stav 2. Ovog Zakona.”

Navedene izmjene su neophodne kako ci se predvidjele sankcije u slučaju nepostupanja po članu 13. koji je dopunjen kako bi se stvorile pretpostavke da se ustroje evidencije Poreznoj upravi odnosno nadležnoj poreznoj ispostavi učine dostupnim potrebni podatci ten a taj način poveća efikasnost naplate poreza.

Članovi 9. i 10. Zakona o izmjenama i dopunama Zakona o porezu na imovinu, naslijeđe i poklon sadrže odredbe koje se odnose na stupanje na snagu odredbi ovog Zakona odnosno način okončanja započetih postupaka naplate. Navedene odredbe su neophodne iz razloga što već započela nova fiskalna godine i što je zbog rokova propisanih Zakonom o porezu na imovinu, nalijeđe i poklon postupak naplate poreza na imovinu već započeo

## **VI- FINANSIJSKA SREDSTVA**

Za provođenje ovog zakona nisu potrebna posebna finansijska sredstva.

**PREDLAGAČ:**  
**VLADA KANTONA**